

Meta Corp. su Annual Achievement Award



ORANJESTAD (AAN): Diasabra 20 di Juni ultimo, den Seaport Conference Center, MetaCorp a celebra e conclusion di e concurso entre su companianan subsidiario. E proceso aki, cu a evalua e funcion di e subsidiarionan durante aña 1997, a culmina cu e otorgamento di un precioso MetaCorp Achievement Award, diseña pa sr. Angel Osorio di Art & Design den forma di e logo di MetaCorp traha di crystal ariba un base di marmar cu un "Q" den un baño di oro, representando calidad.

E hueznan cu a evalua e diferente subsidiarionan tabata Sr. Ron Gomes-Cassares, Director di Maduro & Curiel's Bank na Corsow y Sr. Maarten van Romondt, Director y partner di e firma Deloitte & Touche, asisti pa señores Jaap Beaujon, Rik Timmer, Gerardo de Veer y Eduardo de Veer.

Despues di un proceso cu a inclui entrevistas y bishitantenan na e lugarnan di trabou a resulta como e ganador di MetaCorp

Achievement Award pa 1998 e empresa Tropical Bottling Company (Distribuidor di Coca Cola na Aruba). E premio aki ta reconoce gerencia di e empresa pa su bon trabou den maneho di e empresa den un forma structura y consistente. E premio aki a worde ricibi door di Señores Eddie de Veer y Winfrid Tesink. Sr. Eddie de Veer a ricibi e honor aki y a gradici tur su empleadonan pa e contribucion y teamspirit cu nan a jega na e gran logro aki.

Ademas e hueznan a otorga reconocimiento special na e siguiente empresanan:

* Associated Transport Company Inc. (ATCO) pa Servicio na Cliente y Recursionan Humano.

* Aruba Sonesta Hotels pa Mercadeo y Mantencion.

* Crystal and Seaport Casino pa Satisfaccion di Cliente y Actuacion Financiero.

Sigui lesa 47

